

latitudo amplior quā qua duo currus ueherentur. Turres ducentæ quinquaginta numero, quarum altitudo latitudoque magnificentiam æquat murorū. Non est autem mirandum in tanto moenium ambitu paucas turres esse edificatas. Nam cum plurimæ paludes urbem circumstent, non fuit consiliū ea parte turres construere, quæ loci natura esset admodum munita. Inter murum atque ædificia, pomerium duo iugera conficiunt. Ut celerius opus consummaretur, cuilibet ex amicis stadium perficiendum, tradita ad id impesa assignauit. His moenibus summa cura unico anno absolutis, pontem qua parte fluuius angustior fluebat, construxit stadiorum quinque longitudinis, columnis in profundo summa arte inuicem pedes duodecim distantes iactis: lapides ædificij truncis ferreis immixto iuncturis liquefacto plumbo coniunxit. Ante columnas, ad impetum aquæ scindendum, cursumque fluuij reprimendum, firmos composuit angulos, quod ab omni aquæ undique circumfluentis ut tutæ essent. Pontem, is triginta pedum latitudine erat, ex cedrinis cyparissisque ac palmarū trabibus spectatæ magnitudinis coniunxit: opus nulli arte posterior eorum quæ à Semiramide facta sunt. Ab utroque fluminis latere murū duxit stadijs trecentis sexaginta, pari moenium urbis latitudine. Regias iuxta flumen ex utroque pontis latere duas ædificauit, quæ & aspectū latere urbis præberent, & essent tanquam ciuitatis propugnacula, Euphrate per mediam urbem meridiem uersus fluente. Altera regia ad orientem, ad occidentem altera spectat, utraque ingenti opere constructa. Nam quæ ad occidentem uergit, primum habet ambitum stadiorum sexaginta, altis & sumptuosis moenibus ex cocto latere constructū. Alter deinde interior est circuitus: cuius in crudis adhuc lateribus uaria animantia quæque suo colore ad naturæ similitudinē expressa fuere. Huius longitudine stadiorum est quadraginta, latitudo laterum trecentorum, altitudo, ut Ctesias scribit, passuum quinqueaginta. Turrium altitudo ad passus septuaginta eleuatur. Est & tertius intimus circuitus, qui arcem continet, triginta stadiorum ambitu. Huius ædificij altitudo latitudoque superat secundum muri opus. Inerant diuersorum animalium figure in turribus ac muris, colore quoque ac forma naturali. Erat in super omnis generis animantium uenatio, quorum magnitudo quatuor cubitos excedebat. In his Semiramidis conspicietur ex equo pardalum iaculata, iuxtaque eam uir Ninus iaculo leonem feriens. Eraxerat & portas tres, superque eas uaria ex ære posita ornamenta. Hæc regia excellentior ea, quæ ex altera sita erat fluuij parte, fuit, tum magnitudine, tum ornatu. Illius enim muri ambitus triginta stadia ex cocto latere complectebatur, loco animalium æneæ statuæ inerant Ninus, ac Semiramidis, præfectorumque, & Iouis in super, quem Belum Babylonij uocant. Inerant & acies structæ, uariaque uenationes ad aspicientium uoluptatem. In loco Babylonie humiliori lacum quadratum effodit, cuius singula latera ex latere cocto asphaltoque ædificauit. stadia erant ducenta, profunditas pedum triginta quinque, ad quam flumine superinducto ab regia fossa utrinque aditum fecit. Ex utraque uero parte, ex cocto latere fornicibus constructis asphaltum superinduxit, ad quatuor cubitorum spissitudinem. Erant autem muri fossæ latitudine laterum uiginti, altitudine supra fornices pedum duodecim. Septem diebus opere perfecto, flumen in priorē cursum restituit. Statuit autem ab utraque fossæ parte portas æneas, quæ usque ad Persarum regnum steterent. In urbis medio templum Ioui Belo erexit, cuius amplitudinē neque scriptores propter uetustatē, neque ulla memoria singulatim tradunt. Constat tamē ob illius mirandam altitudinem, à Chaldeis tum orientem tum occidentem uersus astrorum in eo obseruationes factas. Id ex latere atque asphaltum summa arte magnaque impensa est constructum. In summo templi tres ingentes aureas statuas, Iouis, Iunonis, Opisque erexit: quarum Iouis adhuc extat, longitudine pedum quadraginta, mille Babyloniorum talentorum ponderis. Opis simili pondere in sella aurea residet: ad cuius genua duo adstant leones, iuxtaque serpentes argentei ingentis magnitudinis, ponderis quilibet

*Iouis Belus uir
Babylar*